

大元至元辨僞錄

(四)

大元至元辨偽錄卷第五



大都路道君山大雲寺釋教傳法沙門律德奉勅



聖旨焚毀諸路偽道藏經之碑

翰林院臣唐方楊文郁王楫李謙閻復李濤王殿等奉勅撰

至元二十一年三月日

詔遣資德大夫總制院使兼領都功德使司事相寺諭翰林院戊午年僧道持論及至元十八年十月二十日焚毀道藏偽經始末可書其事于后臣等謹按釋教總統合台薩哩所錄事跡昔在

一編辨偽卷五

一

憲宗皇帝朝道家者流出一書曰老君化胡成佛緣及八十一化圖鏤板本傳四方其言淺陋誕妄意在輕蔑釋教而自重其教劉賓大師蘭麻總統少林福裕以其事奏聞時

上居潛邸 憲宗有旨令僧道二家詣

上所辨析二家自約道勝則僧冠首而為道僧勝則道削髮而為僧僧問道曰汝書謂化胡成佛經且佛是何義道對曰佛者覺也覺天覺地覺陰覺陽覺仁覺義之謂也僧曰是殆不然所謂覺者自覺覺他覺行圓滿三覺圓明故號佛陀豈特覺天地陰陽仁義

而已哉

上謂侍臣曰吾亦心知仁義乃孔子之語謂佛覺仁覺義其說非也道者又持史記諸書以進欲以多說僥倖取勝帝師辨的達八合思八曰此謂何書曰前代帝王之書上曰今持論教法何用攀援前代帝王帝師曰我天竺亦有史記汝聞之乎對曰未也帝師曰我為汝說天竺頻婆娑羅王讚佛功德有曰天上天下無如佛十方世界亦無比世間所有我盡見一切無有如佛者當其說是語時老子安在道不能對帝師又問汝史記有化胡之說否曰無然

西華仙卷五

二

則老子所傳何經曰道德經此外更有何經曰無

帝師曰道德經中有化胡事否曰無帝師曰史記中既無道德經中又不載其為偽妄明矣道者辭屈尚書姚樞曰道者負矣上命如約行罰遣使臣脫權將者樊志應等十有七人詣龍光寺削髮為僧焚偽經四十五部天下佛寺為道流所據者二百三十七區至是悉命歸之道教提點甘志泉所居吉祥院其一也據而不與至元十七年夏四月僧人復為徵理長春道流謀害僧錄廣淵聚徒持捉毆擊僧眾自焚廩舍誣廣淵遣僧人縱火且聲言焚米三千九百餘石

他物無是事。達中書省辨其謬。甘志泉王志真疑伏
詔遣樞密副使李羅及諸大臣覆按。無異辭。志泉志
真就誅。剗削流竄者九十人。仍徵所聲言米物如其
數歸之。僧衆會。有道家偽經尚存。為言者聞諸
皇太子。十八年九月。都功德司脫因小演。亦奏言。往
年所焚道家偽經。本化園多隱匿。未毀。其道歲諸
書類。皆詆毀釋教。剽竊佛語。宜加甄別。於是命樞密
副使與前中書省左丞文謙秘書監友直釋教總統
合台薩哩太常卿忽都干思中書省客省使都魯在
京僧錄司教禪諸僧及臣等。詰長春宮無極殿借正

通志卷之五

三

一天師張宗演全真掌教祈志誠大道掌教李德和
杜福春暨諸道流考證真偽。翻閱篇句。雖卷帙數千
究其本末。惟道德二篇為老子所著。餘悉漢張道陵
後魏寇謙之唐吳筠杜光庭宋王欽若輩撰造。演說
鑿空架虛。罔有根據。詆毀釋教。以妄自尊。崇復愛慕
其言而竊為己有。假陰陽術數以示其真。哀諸子醫
藥以諱其博。往往改易名號。傳註訛舛。其本真又
所載符咒。妄謂佩之令人高貴。倍利子嗣。蕃息伉儷
和如鶩。齋之有偶。將以媒淫。辭而規財。賄至有教人
非妄佩符在。辭則男為君。相女為后。妃入水不弱。入

火不焚刀劍不能傷害之語其偽妄駁雜如此留之徒以誑惑愚俗自道德經外宜悉焚去臣等同辭以聞上曰道家經文傳訛踵謬非一日矣若遽焚之其徒未必心服彼言水火不能焚溺可姑以是端試之俟其不驗焚之未晚也遂命樞密副使李羅守司徒和禮霍孫等諭張宗演祁志誠李德和杜福春等俾各推擇一人佩符入火自試其術四人者奏言此皆誕妄之說臣等入火必為灰燼實不敢試但乞焚去道藏庶幾澡雪臣等上可其奏遂

詔諭天下道家諸經可留道德二篇其餘文字及板

國朝文獻通考卷五十一

四

四

本化圖一切焚毀隱匿者罪之民間刊布諸子醫藥等書不在禁限今後道家者流其一遵老子之法如嗜佛者削髮為僧不願為僧道者聽其為民乃以十月壬子集百官于憫忠寺盡焚道藏偽經雜書遣使諸路俾遵行之臣磐等聞老氏之為道也以清淨為宗無為為本謙沖以處已損抑以下人非有貪欲好勝之事厥後枝分派列徒屬寔盛嚴訛成偽誣誕百出清淨一變而為污穢無為一變無所不為如漢之文成五利致身求僊恍惚誕幻帛書飯牛之詐黃金可成之妄一旦敗露為武帝所誅三張之徒以鬼

假符錄
托為經

道惑衆倡亂天下為皇甫嵩曹魏所滅宋王仔昔居
上清寶籙宮與女冠為姦林靈素自稱神霄紫府僊
卿襪大水不驗並為徽宗誅竄而死迨今末年復有
麻被先生鍊笠李二人以姦謀秘計出入時貴之門
肆為淫污之行感受顯戮歷代以來若此之類不可
勝數追惟禍亂之源姦宄之本率皆假符錄以神其
教託偽經以警其俗橫肆巧誣倡為詭狀誣毀聖教
寇攘內典固已悖老氏不爭不盜之禁矣及陷刑辟
皆孽子自內作悞將誰咎哉且夫釋氏之教宏闊勝
大非他教所擬倫歷百千世聖帝明王莫不尊崇東

辨偽錄卷之

冒扶桑西極昧谷冰天桂海山河大地昆虫草木胎
卵濕化有情無情百千萬類皆依佛蔭生息動止於
天地之間故天上天下惟佛為尊超出乎有生之表
歸極乎無碍之真智周三界神妙諸方澤及大千功
用不宰其大有如此者慈航所至無溺不援法雨所
霑有生皆潤憫世人之沉淪幻海顛覆迷津展轉多
生流連累劫將使之脫凡企聖獨蒙真故神光破
沉晦之門大覺指無生之路其仁有如此何意狂謀
輒形媚忌雖積毀銷骨衆照漂山法體圓成初無小
玷譬如盲人之毀日月何傷日月之明并蛙之小河

海奚損河海之文多見其不知量也欽惟

聖天子識超四諦道慕三乘參無象之真空傳法王
之心印所以尊崇之禮故向之誠矯百偽以從真黜
群邪而歸正有不容不嚴者焉況乎筆墨勸媿妖術
誤世恣為欺誑鼓蕩群愚若不大為改革則邪說肆
行枉道惑衆其如天下後世何凡天下之理有善有
惡有正有邪有真有偽常混然而同慶雜然而並行
自非稟

上聖之資誕生知之性智出庶物明照群情則紅紫
之亂朱淫淫之變雅是孰得而辨明之哉由是言之

一 華陽錄卷五

四

聖天子匡濟真圖翼扶大法之功至矣槩諸聖不可
有加矣予以繫含靈之耳目開正途之荒穢使般若
之光永乎無際劫遍滿恒河沙界延洪

聖壽於無疆衍綿 儲君之福利鼎祚於億萬年之
久者庸有既乎是可述也 臣磐等敬為之書以貽後
人俾為老氏之學者有所警焉

至元二十一年三月 日

皇帝聖旨 敕中書省近據長春宮先生王志真等告
奉福寺淵僧錄使令小和尚馬戒顯放火燒訖本宮
倉庫房舍及盛放米糧三千九百餘石并油麵鹽粉

公事歸問得當始元係是甘提點教道馬戒顯交指
著淵僧錄使令放火王志真使令馮道童將馬戒顯
作放火賊人捉拿及詐作知宮名字馮道童教唆語
言告狀人又問得元告糧食不曾燒訖却指此為名
於諸人處要訖施利錢物取其各各招伏六月二十
二日有李羅副樞張平章張右丞焦尚書耿叅政脫
因脫里阿里尚書等官負欵奉

聖旨節該先生與和尚爭奪的觀院其間聚著五百
箇來先生把着棍棒打和尚每來他每教法裏不行
胡做呵那裏有那般體例前京兆府地面裏王祖

一兩

庵頭聚着人衆生歹心來如今這先生每又那般胡
行有這先生每明白招來了上頭為頭兒店殺了兩
箇也別箇的割了耳朵鼻子的割了也別箇的打了
也其餘的交做了軍也這般斷了也欵此除今將斷
訖人數開具下項及將提點甘志泉首級於本宮門
首杆子上常川懸掛合行立石曉諭者正典刑二名
教令虛指淵僧錄放火犯人提點甘志泉虛拿馬戒
顯放火賊人知宮王志真割耳朵鼻子一名添寫狀
情節人提點蔡志祥流於邊遠六名聚衆行兇人殷
鶴童陳道廣上都先告狀人王志玉陳志用寫狀檢

人蘭德義虛報燒訖糧食人李德禎斷放三人使令
王志真告狀人提點蔡志希同告狀人副官周道旋
賈志柔

右示諸人通知

至元十七年六月

日立石

聖旨就大都大憫忠孝焚燒道藏偽經除道德經外
盡行燒毀遂命拈香舉火謝

恩畢拈香云佛心天子愍衆生恐墮三途邪見坑
窞了無偏黨處就中朱紫要分明所以道

聖鑑無私天機莫測既來頌德敢不鼎恩此香端為

願辨錄卷五

八

祝延

大元世主當今皇帝聖躬萬歲萬歲萬萬歲伏願金
輪與法輪同轉福越三祇舜日共佛日齊明壽延億
劫次舉火云憶昔當年明帝時曾憑烈焰辨妍媸
大元天子續洪範顯正推邪誰不知嗟乎道教陰
佛書自古至今造訛捏偽盜竊釋經言句圖謀貝葉
題名謗毀如來贓誣先聖醜詖惡語何可言哉無帝
狂談實難適舉始自張陵杜撰不遵老氏玄言謬作
醮書兼集靈寶詐道役空而得妄言太上親傳用三
張巴法以誑惑愚夫設五運神符而魘奸匹婦以此

觀之爲孝先徒搜要妙陶洪景謾述浮辭杜光庭白
拈巧偷劫賊無異陸脩靜外好褻弱說客何殊若非
喫苦不甘爭肯說長道短鮑靜被誅猶可王浮招報
非輕傅奕姜斌不堪齒錄張生焦革何足言論寇謙
之口舌瀾翻損他利已林靈素機謀詔詐敗國亡家
毀人祖考定遭一時之廢滅賢良考必招三世之殃
因果無差報應有準嗚呼悲法琳不遇而遭貶嗟道
世雖再而難爲致令釋子傷心聿得皇天開眼恭惟我
大元世主聖明皇帝陛下闢邪歸正去偽存真恐衆
生永墮迷津令萬姓咸登覺路雪寃已竟感謝

詳白銀卷上

乃

主恩矜骨碎身莫能酬報遂以火炬打一圓相云諸
仁者只如三洞靈文還能證此火光三昧也無若也
於斯會得家有北斗經枉教人口不安寧其或未然
從此灰飛烟滅後任伊到處覓天尊急著眼看

至元十八年十月二十日

大都報恩禪寺林泉倫吉祥長老奉

勅 下火

靈鐘受扣集

如意長老奉

詔撰

如意谷石介怪記

宋石介字守道作怪說誣謗佛老昧他耳目通人不
惑但誑愚夫爾乃曰中國聖人之所治也四民之常
居也衣冠之所聚也而釋氏髡髮左衽不士不農為
夷者半中國可怪也夫中國道德之所治禮樂之所
施五常之所被而汗漫不經之教行妖誕幻惑之說
滿真可怪也又云人君見一日蝕一星殞風雨不時
草木不植則為天地之怪也彼其滅君臣之道絕父
子之親棄道德悖禮樂裂五常移四民毀中國之衣
冠去祖宗之祀祭反不知為怪而更奉為時人見一
狐媚一裊鳴野鵲噪草雉入人以為怪而離父子習

夷鬼千有餘年反不為怪乎余荅之曰夫好同惡異
人之常情不達道之淵源而辨像服之異是知石而
不知玉爾夫聖人出世利濟尤深根器不同設教亦
異或明域中之訓則說五乘或闡象外之風獨標一
極破自然而談因果緣會而生為滯有而演真空諸
法無性應病設藥故有多方究竟歸宗不存一法而
頑夫愚俗浪鼓口舌不達是非妄興辨論而不思所
同者道所異者服且孔子所談仁義者佛家所謂慈
愛也老子所稱玄妙者佛家所謂空寂也至理不殊
於文小變且夫禹入裸國脫去衣冠順其俗也太伯

奔吳文身斷髮合其儀也豈為怪乎變俗以為會其
道故捨君臣華服非悖禮也拍親以為棄其累故亡
妻子之情非慢俗也子陵抗禮於光武愈見尊嚴逸
民不事於王侯高尚其志不明其本謬斥以夷亦猶
楚靈詬天天何怒哉子貢譽天天何喜哉喜怒哀涉
而詬譽自辱夫聖人在天不求於世但留典教匝布
神洲不言之化自行無為之風自靡星羅梵刹綦布
伽藍設像安人獻花酌水王侯禮重士庶欽崇苟無
大功孰肯崇奉且夫自漢至今歷年如此其多也君
臣士民如此其衆也天地神明如此其靈也其可欺
乎決不誣矣大凡為入之道力量自知石介但一書
生智同芥子將已不達妄毀聖人同尺鷃之笑鯤鵬
似朝菌之輕松栢類乎魏文火院入火愈鮮昆吾之
劍切玉轉利豈可不覩便責為謬乎石介之智比孫
綽而小焉石介之才比昭明而淺矣石介之論比王
通而難鄰石介之文比柳子而罕及石介之位望魏
徵而地天石介之學校蘇軾而泮海石介之議連陸
贄而狗麟石介之詩攀杜甫而金鐵上之君子悉皆
信佛汝之材量孰不勝之而妄意貶駁訕斥大聖佛
如日月也疇可愈焉昔田巴強辨勝人之口不伏人

之心口毀三皇坐非五帝至今聞之人猶切齒況佛
六通懸鑑萬古無敵而妬聖嫉賢奴唇婢舌恣出其
口多見其不知量也

六帖中載虞世南飯千僧手跡則曰弟子虞世南稽
首和南十方三寶弟子早年嘗遇重病即時運心願
託佛力差愈之日奉設千僧齋今謹於道場飯供百
僧蔬會以斯願力希世世生生常無病惱并及七世
父母六道怨親并同今願又閱帝紀得世南史論辯
周武帝宇文邕建德三年晉滅佛道二教之事問者
曰邕廢二教是耶非耶先生曰非也請與論之釋氏

兩拜何錄卷五

十二

四

之法空有不滯人我無忘絕生死之根去大患之累
榮利無嬰歸於寂滅此象外之談也老子之義則公
神不死玄牝長存微妙同玄騰龍駕鶴此域中之教
也至於勝殘去殺止競尚仁並有益於王化無乖越
於典謨縱人有虧於法何黜今以僧徒犯律道士違
經便謂其教可捐其道可絕何異責禱枕而廢堯然
有苗而黜禹見瓠子之泛濫遽塞河源觀崑嶽之方
炎即投金鏃曾不思潤下之德利濟尤深變腥之用
其功甚博井蛙觀海多自不知蜩鳩翔榆耻逢鵬翼
局於小量暗於大方輪迴長夜之迷自貽沉溺之苦

疑悞後人良可痛哉余讀此文乃知世南真竒人也
唐太宗嘗稱世南有四絕一曰德行二曰忠信三曰
文章四曰筆札夫有異行者必有異能有異能者必
有異才觀世南之為人也事君忠厚與友直諒德高
物表學盡天人窮釋老之幽宗達聖人之玄趣字高
一代行貫四科登翰苑之瀛洲擅文場之綺席信佛
篤敬尊奉釋僧師襄陽林公為金蘭之契豈與韓愈
石介倔强求名坐井觀天瞽言非聖不入通人之論
濫廁豎儒之流下愚不移斯言效矣
聖旨特建釋迦舍利靈通之塔碑文

如意長元奉

勅撰

蓋聞三祇鍊行證真淨之法身六度修因果圓融之
妙覺無生無滅絕三際之去來不晦不明離百作之
朕跡但以真慈易物昔願今酌鳳翥迦維龍飛道樹
無相見相頓彰百億之身常名非名普應大千之界
破十軍於座上聲振於九天會諸聖於覺場光流於
萬國御三輪而赴感遐迹咸周懸四辨以談詮聖凡
總被教闡一十二部門開八萬四千縕十智之韜鉗
知來藏往運六通之神鑑洞古披今縮十號以稱尊
跨三界而獨步智窮真際十聖慶獲於朝聞妙極重

玄六師甘欣於夕死拔火宅之熱惱引解脫之清涼
無勞傳說之霖濟四生於六道非假曠和之照蕩七
趣於重昏慈雲蔭有頂之天法雨潤無疆之城萬靈
翊衛若衆星之拱北辰五印傾心類百川之宗東海
豈止孕虞育夏甄殷陶周實乃彈壓九流牢籠萬彙
縱周公之制禮作樂仲尼之讚易修書莊老之談玄
軻雄之論道張華之博物輔嗣之通微郭璞之多聞
左慈之神化舒向金玉淵海馬班黼黻河漢並驅馳
於域內言未達於大方宜為治世之高賢難作出塵
之教主若非理包象外道越寰中蔽群聖而不所冠
百家而拔萃何能摠斯衆妙集此大成者哉逮乎仁
緣將謝願命殷勤正法付於阿難心印傳於迦葉然
後拂衣雙樹脫屣金河趨二死之樊籠湛三昧之圓
寂然而大慈不捨利物情深粉金剛不壞之身留舍
利通靈之骨色含明玉堅侔真金龍王天帝各分建
於自宮印度閻浮競崇興於寶塔百年之後敬奉彌
隆有阿育輪王統攝瞻部廣樹靈塔八萬四千從此
神跡徧於五天聖化覃於四海洎乎漢明夜夢聲教
昭宣譯梵貝於蘭臺室中繪金容於顯節陵上始波
騰於帝紀終風靡於閭閻由是吳王創起於建初隋

主盛興於京洛皇都帝邑綦布伽藍沃野名山星陳
宰觀莫不金盤耀日與仙掌以相高寶鐸搖風雜天
音而共響層簷偃蹇上軼於太清疊拱駢羅傍迴於
日月丹楹鴈列紺瓦駕分金龍螭蟠於華梁玉鳳翔
翔於繡戶忽若龍宮之化出恍疑天上之移來斯皆
發自於信心非是誘惑而妄作哉

大元之有天下也宗堯祖舜踵禹基湯聖道協於金
輪明德光於玉曆應軋革命有此武功英聲震於百
蠻威稜加於萬國八荒入貢九服來賓纂四聖之丕
圖膺千載之期運規億光之遠慶恢奕世之宏締緯

武經文制禮作樂建都定鼎樹闡管宮以為非巨麗
無以顯尊嚴非雄壯無以威天下遂乃闢閭闔構元
殿興傑閣架紫宸飾以丹青縹以綺績金題玉礪上
下交輝藻稅雕梁縱橫散彩行商容之洪範列於武
之威儀陳鐘鼓以燕王侯會百僚而朝萬國將將濟
濟穆穆煌煌真天子之盛禮也聽政之暇留意佛門
遵祖宗之舊章行寬仁之溫詔凡是佛子悉獲肅安
屢召名僧講論玄奧誠心佛法誦百歲之金文探贖
未聞聆三乘之妙義恒慮新都既建宜卜永年以福
為基莫如起塔興神龍之扶護資社稷之久長即於

都城坤隅禁苑之內箕踵漫衍埃壇寬平磨玉碾珉
樹斯寶塔初舊都通玄關北有永安寺殿堂廢盡惟
塔存焉觀其名額釋迦舍利之塔考其石刻大遼壽
昌二年三月十五日顯密圓通法師道殿之所造也
內有舍利戒珠二十粒香泥小塔二千無垢淨光等
陀羅尼經五部水晶為軸因罹兵火荒蕪蕪沒每於
淨夜屢放神光近居驚惶疑為失火即而仰視煙焰
却無乃知舍利威靈人始禮敬奉

御秀列奏其祥瑞 上聞而信之欲增巨麗俾開舊
塔發而詳視果有香泥小塔下磨石函中有鐵

貯銅餅香水盈滿皎然鮮白色如玉漿舍利堅固燦
若金粟前二龍王跪而守護案上五經宛然無損金
珠七寶異果十種列而供養餅底獲一銅錢上鑄至
元通寶四字乃知聖人制法預定冥中待時呈顯開
乎天意即至元八年三月二十五日

帝后閱之愈加崇重即迎其舍利立斯寶塔取軍持
之像標馱都之儀妙罄奇功深窮剖剗瓊瑤上鉅砥
砧下成表法設模座鍤禽獸角垂玉杵階布石欄簷
掛花鬘身絡珠繩珠鐸迎風而韻響金盤向日而光
輝亭亭高聳遙映於紫宮岌岌孤危上陵於碧落

剖剗

鍤音鑿
剗音剗

度之巧古今罕有爰有國師益鄰真者西番人也聰
明神解器局淵深顯教密教無不通融大乘小乘悉
皆朗悟勝緣符會德簡帝心每念皇家信佛建此靈
勲益國安民湏憑神呪乃依密教排布裝嚴安置如
來身語意業上下周匝條貫有倫第一身所依者先
於塔底鋪設石函刻五方佛白玉石像隨立陳列傍
安八大鬼王八鬼母輪弁其形像用固其下次於湏
弥石座之上鏤護法諸神主財寶天八大天神八大
梵王四王九曜及護十方天龍之像後於餅身安置
圖印諸聖圖像即十方諸佛三世調御般若佛母大
白傘蓋佛尊勝無垢淨光摩利支天金剛摧碎不空
骨索不動尊明王金剛手菩薩文殊觀音甲乙環布
第二語所依陀羅尼者即佛頂無垢秘密寶篋菩提
場莊嚴迦羅沙拔尼幢頂嚴軍廣博樓閣三記句呪
般若心經諸法回緣生偈如是等百餘大經一一各
造百千餘部夾盛鐵錮巖整鋪累第三意所依事者
餅身之外琢五方佛表法標顯東方單杵南方寶珠
西方蓮花北方交杵四維間廁四大天母所執器物
又取西方佛成道處金剛座下黃臙真土及此方東
西五臺岱嶽名山聖迹處土龍腦沉箋紫白旃檀蘇

合骨金茅香金銀珠璣珊瑚七寶共搏香泥造小香
塔一千八箇又以安息金顏白膠薰陸都梁甘松等
香和雜香泥印造小香塔一十三萬並置塔中宛如
三寶常住不滅則神功聖德空界難量護國佑民於
斯有在竊論古今賢詰但載空名較其靈蹤杳然無
迹黃帝喬山之塚謾葬衣冠虞舜蒼梧之陵空委韶
樂伏犧但存於八卦文命唯設於九疇奚聞不朽之
真詎見剛貞之骨豈若牟尼舍利神化無方鍊而愈
精鎚而愈固金堅玉潤歷古恒傳聖帝明王累朝欽
奉故唐太宗皇帝有贊云

一非修錄

十八

功成績却印紋端

不是南山得恐難

眼觀數重金色潤

手擎一片玉光寒

鍊時百火精神透

歲處千年瑩彩完

定果真修真祕密

信心莫作等閑看

又宋仁宗皇帝贊鳳翔法門寺舍利塔偈曰

金骨靈牙體可誇

毫光一道透雲霞

歷代君王曾供養

累朝天子獻香花

鐵鎚任打徒勞力

百火焚燒色轉加

年年只聞開舍利

何曾頂戴老君牙

宋仁宗皇帝觀禮舍利述偈贊云

三皇揜質皆歸土

五帝潛形已化塵

夫子域中誇是聖

老聃世上亦言真

埋軀只見空遺塚

何處將身示後人

惟有吾師金骨在

曾經百鍊色常新

察此至言可為龜鑑按龍樹菩薩智度論云如來舍利濟物將終變作輪王如意寶珠猶與群生為大利益則真靈不歇福世何窮今天子不忘付囑之言恒存外護之意篤信佛理食息匪移凡殿宇新成必召僧焚講新都適就先創斯塔托佛力之加祐異寶祚之永長保大業之隆昌享天祿於遐載懼陵迂而谷

西華傳錄

卷一

七

變恐鴻烈而弗傳爰 詒末釋發揮其道余才非珪遠學愧生融勉力摘毫乏曹娥之八字竭情抒思勞楊雄之五神欽

吾皇弘贊之心嘉舍利重光之美手舞足蹈謹系銘言金歲雲垂玉蕊花芳妙哉賢劫千佛表祥聖祖能仁第四出世雲起陀天風翔迦衛天磬寶蓋龍吐金盆東西獨步上下稱尊道成摩竭智滿覺場青蓮出水皓月騰光聲遍塵方法周沙界無為而化不言而會剖塵中經指衣內寶迷者知歸愚者懷道教設三乘本為一實大事一周歸神常寂戒定熏修廣流舍

利福庇人天恩沾動植初興西竺後播東州龍宮
闕禮供無休僧會感靈吳邦首建魏后真誠永寧大
闡欽惟我

皇睽懷正道墻塹佛門匡弼法寶築此金城營斯玉
塔楚壁廻環燕珉周匝綿聯珠網交絡華纓光生帝
苑壯觀玉城簷傾遠岫戶映喬林松風颯颯桂魄沉
沉至元統號聖意難量塔中顯出方見其祥惟茲神
造福我

帝居與天同久萬古不渝

大元至元辨偽錄卷第五終

以上並在
藏何字函

外有集古今佛道論衡寶錄四卷 唐釋道宣撰 疑字函

續集古今佛道論衡一卷 唐釋 智昇 撰 疑字函

甄正論三卷 唐佛授記寺沙門 玄奘 撰 既字函

法苑珠林第五十五卷 唐西明寺釋道世 撰 書字函

辨正論八卷 破邪論二卷 唐釋 法琳 撰 既字函

弘明集十四卷 廣弘明集三十卷 集字函

音釋卷一

絃音噫隘聃他甘慙對授函含鵠曷烏戶嚳音
變音培壤上薄扣羨胡絲哀俞庶共聲撓饒麓除奇
墳呼包庖佃祛跣跌嫫模徼公窰古携考

卷二

蕙音煥懼上他典媮偷埤穉穉穉觥觥標驂參虞於道
晦感暖代趕渠弁弁造到厭厭瞋面汗烏銓詮氛分
荐在賄盈初初蹂而造又績如訖沒廣浪

卷三

戡戡俠俠嫻嫻獯獯外外屯屯繼繼躄躄脚脚葆葆保保梟梟堯堯霄霄

卷四

糶糶救救悞悞逼逼冗冗軌軌苦苦戶戶厲厲超超

卷五

弭米壤融潰對迄乙呼蒂帝否鄙譎古俾必蜚世

卷五

毆吹劓劓黓黓燼燼進進冲冲特特注注烏烏杆杆下下眯眯米米詬詬苟苟茵茵距距檮檮初
上徒音音錡錡似似蠲蠲条条翁翁之之軼軼徒徒物物蟻蟻幽幽縟縟辱辱績績訛訛礪礪細
下下音音錡錡醉醉蠲蠲条条翁翁之之軼軼徒徒物物蟻蟻幽幽縟縟辱辱績績訛訛礪礪細
曠曠草草塿塿塿塿下下所所亥亥剖剖厥厥下下乙乙蟻蟻釳釳口口鉗鉗擗擗知知



圖書在版編目(CIP)數據

大元至元辨偽錄/[元]釋祥邁撰. —北京:北京圖書館出版社,2002.10

(中華再造善本)

ISBN 7-5013-1992-8

I.大… II.釋… III.佛教—史料—中國—元代
IV.B949.2

中國版本圖書館CIP數據核字(2002)第079794號

ISBN 7-5013-1992-8



9 787501 319923 >

書名 大元至元辨偽錄(全四冊)
著者 [元]釋祥邁 撰

出版 北京圖書館出版社(100034北京市西城區文津街七號)

Tel:(010)66126153 Fax:(010)66174391

E-mail:Btsfxb@publicf.nlc.gov.cn

Website:www.nlcpress.com

造紙 華寶齋
印刷 杭州富陽古籍印刷廠

開本 八

印張 三十七五

版次 二〇〇二年十月第一版第一次印刷

印數 一五〇〇

書號 ISBN 7-5013-1992-8/K·454

